

四庫全書

集部

# 欽定四庫全書

集部

劔南詩彙卷十四

詳校官庶吉士<sub>臣</sub>陳若霖

主事<sub>臣</sub>呂雲棟覆勘

總校官檢討<sub>臣</sub>何思鈞

校對官修撰<sub>臣</sub>戴衢亨

謄錄監生<sub>臣</sub>楊浚明

欽定四庫全書

劔南詩彙卷八十四

宋 陸游 撰

自立秋前病過白露猶未平遣懷

門冷荒車輟囊空別醉鄉嬾行眠亦好倦話默何傷野  
叟占幽夢山僧送祕方病懷雖忽忽隨事答年光

又

饑能堅志節病可養精神不動成羸卧微勞學鳥伸功

名知幻境憂患笑前身藥裏吾何厭秋燈作夢新

聖門

聖門妙處不容思千古茫茫欲語誰  
晞髮庭中新沐後舞雩沂上詠歸時  
研求豈足窺微指博約何由遇碩師  
小疾埽空身尚健蓬窗更作數年期

書齋壁

幅巾短褐野人裝洗盡黃塵早莫忙  
地僻漁扉常隱翳身閒靈府自清涼  
雨中鬱鬱垣衣綠澗底纖纖石髮長

老憊只思眠榻壁一尊到手又成狂

病後小健戲題

行年九十未龍鐘  
慙媿天公久見容  
醉解病人詩解瘦  
不如世世作春農

新晴

雨葉玲瓏曉日明  
經旬風雨得初晴  
歌眠歇盡人間念  
時聽幽禽一兩聲

夢中作

征途遇秋雨數士集郵亭酒折官壺綠山圍草市青劇  
談猶激烈瘦影各伶俜四海皆兄弟悠然共醉醒

又

一客若蜀士相逢意氣豪偶談唐夾寨遂及楚城臯

二者

皆所  
論事

頓洗風塵惡都忘簪轡勞蟬嘶笑餘子辛苦學離

騷

疾小愈縱筆作短章

治疾如治盜要使復其常籍曰用戈矛全之仍欲傷彼

盜皆吾民初非若胡羌奈何一朝忿直欲事毆攘毆攘  
雖快心少忍理則長華陀古神醫煎浣到肺腸取效雖  
卓犖去死真毫芒君審欲除盜惟當法龔黃撫摩倘有  
道四境皆耕桑我亦以治疾不減玉函方

病少愈偶作

蕭條白髮卧蓬廬虛讀人間萬卷書遇事始知聞道晚  
抱疴方悔養生疎高門赫赫何關我薄俗紛紛莫問渠  
羸疾少蘇思一出夕陽門巷駕柴車

又

病入秋來不可當便從此逝亦何傷百錢布被歛手足  
三寸桐棺埋澗崗但恨著書終草草不嫌徂歲去堂堂  
今朝生意纔絲髮便擬街頭醉放狂

書生

書生事業苦難成點檢常憂害至誠夢寐未能除小忿  
文辭猶欲事虛名聖賢甚遠當深考古義雖聞要力行  
漢世陋儒吾所斥若為青紫勝歸耕



古驛

古驛橋邊艇子橫  
每因羈旅愜幽情  
窗間月落無花影  
枕上潮來有舫聲  
舊友凋零歸夢想  
新詩邂逅得天成  
今朝有喜君知否  
秋雨晴時小疾平

夜讀劉伯倫傳戲作

生本無心死可知  
徐徐掩骨未回遲  
一奴僅可供薪水  
那得閒人荷插隨

湖上晚望

閒人無處破除閒待得漁舟一一還峯頂夕陽煙際水  
分明六幅巨然山

村居即事

西成東作常無事婦饁夫耕萬里同但願清平好官府  
眼中歷歷見幽風

又

炊甑生塵榻長苔柴門日晏未曾開載醪問字今牢落  
猶有鄰翁裹飯來

又

長笛園輦曲調新東家西舍送迎神不因豐歲人情樂  
淡殺溪頭老病人

夜興

夜闌扶策繞中庭雲罅三三兩兩星安得南風卷雲盡  
爛然河白映天青

夢華山

路入河潼喜著鞭華山忽到帽裙邊洗頭盆上雲生壁

腰帶輕前月滿川丹竈故基誰復識白驢遺跡但相傳  
夢魂妄想君無笑尚擬今生得地仙

寓歎

窮居諳世故了了不如昏萬事慵挂眼終年思杜門雲  
閒忘出岫葉落喜歸根熟計惟當醉寧論社瓮渾

又

小隱終非隱休官尚是官早知農圃樂不見道途難故  
國雞豚社貧家菽水歡至今清夜夢猶覺畏濤瀾

又

事外癡頑老人中  
賸長身開顏時  
賴酒開口不言貧  
淡話常終夕間游  
動歷旬漁翁偶相  
遇疑是武陵人

又

老閱市朝久紛紛  
常厭看人紆綬紫  
艾家擁轂朱丹不  
羨官曹熱惟憐眼  
境寒東塗與西抹  
感舊一長歎

嘉定己巳立秋得  
膈上疾近寒露乃  
小愈

獨立溪橋看落暉  
殘蕪漠漠蝶飛飛  
從來澤國秋常晚

歎息衰翁已衲衣

又

今年病老遂難禁二豎奔逃豈易尋  
風雨三更僮僕睡自持殘燭檢千金

又

窮銷壯歲功名志病過新秋賞詠時  
自古世間如意少天公寧肯為君私

又

小詩苦思憑誰賞  
綠酒盈尊每獨傾  
老境情懷例如此  
不須惆悵感餘生

又

一枕鳥聲殘曉夢  
半窗竹影弄新晴  
屏深室煖秋垂老  
粥美蔬香疾漸平

又

半饑半飽隨時過  
無客無書盡日間  
童子貪眠呼不省  
狸奴戀煖去仍還

又

粥香可愛貧方覺  
睡味無窮老始知  
要識放翁真受用  
大冠長劔只成癡

又

小詩閒淡如秋水  
病後殊勝未病時  
自翦矮牋謔斷臬  
不嫌墨淺字傾歌

又

八月吳中風露秋  
子鵲可離酒新菊  
老人病愈鄉間喜



處處邀吟共獻酬

又

清泉白米山家有鹽酪猶從小市求寸步須扶本常事  
細書妨讀却閒愁

又

束書不觀萬事休誰令識字惹閒愁胸中作祟知何物  
不是當年老督郵

又

客疾無根莫浪憂今朝掃盡不容留飯囊酒瓮非吾事  
只貯千巖萬壑秋

病中卧聞舂聲

丘嫂羹存先憂釜山僧齋竟始鳴鐘孰知造物獨憐我  
一日未嘗無夕舂

又

妄想說梅猶止渴真聞舂米固忘饑未論炊熟香生甑  
已覺抄來雪滿匙

病小減復作

一身真賸長兩月抱沉緜吟作楚人語聳成山字肩灾  
從季主卜藥欠宋清錢彌老彌堪笑藜羹且信緣

又

衛養元無術衰殘只自悲扶行十步地強坐一炊時枕

藉漆園語呻吟栗里詩灾年未易過那敢望期頤

卜者言今

秋來春皆灾  
過此壽未艾

又

晨粥半茶碗秋來一布裘酒惟詩裏見山向夢中游卜  
絲兒能測藥方僧為求重陽無半月尚泥菊花不

病思

水碓舂粳滑勝珠地爐燂芋軟如酥老來自愛盤飧美  
安得高人共破除

又

殺物求君舌本肥是非豈復待深思即今不足何時足  
小甑香粳日兩炊

又

江上秋風蘆荻聲魚蝦日日厭煎烹病來作意停鮮食  
留得青錢買放生

又

行攜馴鹿寄消搖共飽山蔬與藥苗本自入山緣服玉  
不應忘味待聞韶

又

西山雪外巢松客南岳巖前洗鉢僧平日寄懷常在此

秋風剩欲辦行滕

又

窗扉寂寂秋將晚  
燈火昏昏夜向闌  
不是暮年能耐病  
道人心地本來寬

病中自遣

孤燈如露螢熠熠  
北窗下我亦氣僅屬厭厭  
迫衰謝平生更事熟  
生死等晝夜行年八十九  
八十五已化雖云  
病惱侵處此亦閒暇人  
扶時出門清溪帶笻舍

又

一鴉振羽鳴窗色忽已縞衆鳥次第來各矜語言好病  
夫正擁被宛若兒在襍跣婢職衣襦了童謹除掃紅日  
已入簾吾起尚恨早悠然一盃粥頑鈍聊自保

又

少時揣無才一意守貧賤窮閭依馬磨小石寫驢券中  
年更可笑顛顚客異縣何曾得一飽塵土空滿面即今  
況已病百衰相俱見雖然亦自重未忍悲秋扇

八月二十三夜夢中作

道士上天鶴一隻老僧住菴雲半間去來盡向無心得  
癡默相除到處閒江山千里互明晦魚鳥十年相往還  
高巖縹緲人不到醉中為子題其顏

病少間作

身如水有漚病如雲無根方其未散間妄謂有我存漚  
壞水渺然雲滅寧遺痕回首乃可笑妄想生怨思念我  
曩昔時一笏朝帝閣既老復何為釣魚石帆村今年病



卧久慘痛不可言一念忽超詣二豎皆忙奔吾居本廣大談笑決其藩還持一尊酒往酹湘水魂

秋晚幽居

吳中秋晚氣猶和疾豎其如此老何鳥語漸稀人睡美  
木陰初薄夕陽多掃園日日成幽趣撫枕時時亦浩歌  
車轍久空君勿歎文殊自解問維摩

病中思出游

病境雖猶在秋天已自清閒思尋酒伴嬾畏主詩盟煙

艇桐江去籃輿剡縣行會心隨處住便足了餘生

九月初作

莫笑衡茆陋幽情得細論客疎慙歡醺僧熟認敲門杳  
香煙中剝昏昏雨外村登高負今歲老病易消魂

四日夜雞未鳴起作

放翁病過秋忽起作醉墨正如久蟄龍青天飛霹靂雖  
云墮怪奇要勝常憫默一朝此翁死千金求不得

卧病雜題

哎咀初成藥，咿啞半掩扉。病知身健樂，閒覺宦游非。小

澗看猿飲枯筇擁，鶴歸今朝更堪喜。書札得淮淝。

是日得五

郎廬

州書

又

鷗鷺馴亭沼，琴書悅性靈。身叨鄉祭酒，孫為國添丁。煙  
浦收菰菜，秋山斲茯苓。虛名吾所薄，未應少微星。

又

陋室施床迮，窮閭問疾疎。加餐惟是粥，弄筆不成書。盃

金瓶梅詞話卷八十四  
盜新萬酒青青小摘蔬客來邀褫帶聊示小勤渠

又

終日常辭客經秋半在床愛窮留作伴語病與相忘竈

婢工烹粥園丁習寫方

久病家人作粥遂佳蓋朝夕常為之也又有山僕本不識字因

久合藥遂能寫

藥方數大篇

今朝有奇事久雨得窗光

又

人間跛男子物外病維摩

病中遂牽聊病右足

但可妨趨拜何因

廢獻歌菜羹醯醬薄村巷棘茨多舉手謝鄰父非君誰

肯過

讀華陀傳

六籍雖殘聖道醇中更秦火不成塵華陀老黠徒驚俗  
吾豈無書可活人

家山

鹿食草時猶命侶鶴冲霄後尚思歸家山不忍何山隱  
稽首虛空懺昨非

九月十一日疾小間夜賦

清夜房櫳燈火微此心病起更依依空驚床下莎蟲語  
不見梁間巢燕歸蒼硯有池殘墨在白頭不櫛亂書圍  
可憐未遽忘風月猶夢華觴挿羽飛

又

病後衣巾盡覺寬挈提裘領喟然歎孤燈不焰熒熒碧  
小雨無聲慘慘寒只道清心火自退豈知非意病相干  
平生最愛秋搖落惆悵今年怯倚欄

一病七十日

一病七十日共疑無復生隄全河漸復師濟寇將平縹緲香雲散颼颼藥鼎鳴庭前有殘菊自笑尚關情

西郊

七十辭北闕五畝寄西郊泳水魚依藻摩雲鶴結巢丐僧時問疾卜叟或論交社櫟天全汝寧當歎繫匏

蔬食

肉食從來意自疑齋盂況與病相宜老羝昔作春蔬崇斷豪今無晚釣詩陌上煙苔誰采采牆陰風葉正離離

人生饑飽初何校一斛檳榔笑汝癡

乙巳秋莫獨酌

第一首  
六韻

孤雲繫不定野鶴籠難馴賣藥句曲秋沽酒天台春中  
原幾流血四海一閒人邀月對我影折花挿我巾花月  
成三友江海為四鄰何敢忘吾君巢由稱外臣

又

安期與羨門秦漢迹已陳不如東平公一劍隱紅塵醉  
歌題市樓墨色粲如新叱咤興風雲約束山川神從我



者誰歟夜渡黃鶴津

又

山陰老道士寄情魚鳥中  
幽戶綠蘿月孤舟白蘋風  
豈無小瓮熟尊杓誰與同  
邂逅得知心一見歎猶龍

又

湖中有隱士或謂千歲人  
大兒嚴子陵小兒賀季真  
姓名莫能知況可得疎親  
有竿不釣魚秋晚香粳新

秋晚

春將愁病至秋與病相終過望猶賒死扶衰又入冬撥  
香開社瓮帶睡聽晨鐘嬾放君無謂天公儘見容

病中遣懷

人生長短無百歲八十五年行九分堪笑癡翁作點計  
欲將繩子繫浮雲

又

放生何足為愛物施藥因行聊結緣山舍老翁無事業  
只將閒事占流年

又

鮮肥莫事膚寸舌蕭散何辜七尺軀山路豈無孤店宿  
渡頭亦有小舟呼

又

家貧不與身添業久病寧非天做予掃盡世間閒忿慾  
小園煙雨種春蔬

又

松芥煮羹甘勝蜜稻梁炊飯滑如珠上方香積寧過此

慙媿天公養病夫

又

開皺紫栗如拳大帶葉黃柑染袖香天與山家講鄰好  
江天昨夜有新霜

六言

滿帽秋風入剡半帆寒日游吳問子行裝何在帶間笑  
指葫蘆

又

不慕生為柱國何須死向揚州但願此身無病天台剡  
縣間游

野興

著草晨占大易爻松肪夜借隱書抄饑時每就猿分果  
宿處時從鶴寄巢旋賣荆薪持取醉偶逢野叟即論交  
頽然坐閱人間事耐辱禁愁却自嘲

遠遊

壯年不作故山歸老去方知浪走非挂日片帆吳赤壁

嘶風足馬蜀青衣交遊雖廣知心少香火徒勤願力微  
堪笑只今成底事青燈無恙且相依

反遠游

賣却貂裘買釣舟久將身世付悠悠行歌西郭紅橋路  
爛醉東關白塔秋

皆山陰近郊地名

夜泊驛亭觀月上曉登僧

閣聽猿愁一生身屬官倉米剩喜殘年得自由

病著

病著今年劇衰來次第新第蒞安久處窮簷罷前陳零落

閒邊句道遙事外身村東褚草草一笑得常珍

梅市

小雨長堤古寺西不容羸馬惜障泥時平道路鈴聲少  
歲樂坊場酒價低煙樹淺深山驛近野歌斷續客魂迷  
殘軀不料重來此一首清詩手自題

梅市書事

羸馬孤愁不可勝小詩未忍付膏騰一聲客枕江頭雁  
數點商船雨外燈

病減

病減停湯熨身衰賴按摩書齡平日課睡比故年多龜  
卜占休泰醫方較闕訛有時還一笑隔浦起漁歌

幽居即事

山庵可伐薪稻壠可負耒但令二事集一飽已有在霜  
林兩株橘春圃數畦菜仁哉造物心乞我曾不愛炊烹  
付樵青鉏灌賴阿對乃翁亦自為高枕聽晨碓

又



書几積流塵硯池漬淺墨老夫自省事童子豈不力人  
生適可爾過計亦何得胡為棄黎棗日夜長荊棘洗汝  
侈汰心去汝驕吝色一菜飽有餘奚取萬錢食

羸疾

羸疾止還作已過秋莫時但當名百藥那更謁三醫強  
飯幸如昨清游元有期新霜宜野店行矣不須疑

九月二十五日雞鳴前起待旦

堪笑枯腸漸畏茶夜闌坐起聽城笳爐溫自撥深培火

燈暗猶垂半結花  
斷夢不妨尋枕上  
孤愁還似客天涯  
埽塵拾得殘詩藁  
滿紙風鴉字半斜

秋夕排悶十韻

湖海雙歸棹蓬蒿一病翁  
幽居天鏡北別墅石帆東  
雲岫翩孤鶴煙汀渺斷鴻  
一從生白髮幾見落丹楓  
獨立中庭月歌眠滿院蛩  
藜羹晨糝白豸火夜爐紅  
物外緣雖薄塵中念已空  
放魚從長者累塔伴羣童  
野寺觀冬轍叢祠禱歲豐  
行歌與坐睡處處現神通

宴坐

氣住即存神心安自保身誰歟二豎子卓爾一真人氣  
泝如潮上津流若酒醇幽居幸無事莫玩物華新

又

周流惟一氣天地與人同天道故不息人為斯有窮蛟  
龍上雲雨魚鳥困池籠宴坐觀茲理吾其若發蒙

小室

術淺難醫忘文疎不送窮詩囊逢厄運藥裏少新功小

室香凝碧明窗日射紅鄰翁來問疾少話莫匆匆

舟次浦口

吾孽本自作此生元有涯三江去浩蕩一舫任嘔啞賣藥村村市炊粳處處家相逢喜亡恙不敢厭喧嘩

開爐

餘疾三分在閒愁一點無書能伴孫讀身欲却人扶霽日鴉鳴樂清霜草蔓枯南山送僧炭隨事且開爐

散懷

東行西行一日過深酌淺酌萬事休亦知衣食將不繼  
老甚安能懷百憂

又

中年絕慾不復念今日肉食夫何難天公賦與本來薄  
一槩掃空方少安

劍南詩豪卷八十四

欽定四庫全書

劔南詩豪卷八十五

宋 陸游 撰

子虞當以十月離淝上喜而有作

十月霜侵客子衣  
片帆計以發淮淝  
山林獨往我何敢  
州縣徒勞兒未非  
傳舍方寒索調護  
里門終日待來歸  
解裝且共燈前語  
萬事真當付一欵

病來

抱疴雖可驗應接每安徐正使須彈塞寧當快掃除寡  
言方禍始省事養災餘一飽吾何欠香粳薦美蔬

舟中晨起

天宇清寒病體輕煙波聊復事宵征艣橫舟尾霜如抹  
犬走籬根葉有聲蕭尹威名空赫赫班侯智畧本平平  
不如歸結迎神社長笛圓聲送此生

江村

江村連夜有飛霜柿正丹時橘半黃轉枕却尋驚斷夢



撥爐偶見熟殘香  
醫無絕藝空三易  
死與浮生已兩忘  
拈得一書還嬾看  
卧聽孫子誦琅琅

兀兀

兀兀心非睡惺惺  
口不言齒津生頰  
舌鼻息撼牆垣書  
媿兒童問年叨里巷  
尊貧家有喜事黍酒帶醅渾

道懷

織罷化吾梭  
棋終爛汝柯  
藥靈刀匕足  
語妙立談多  
楂浦吹橫笛  
桐江買短蓑  
白鷗真可友  
萬里渺煙波

柯山道上作

道路如繩直郊園似砥平山為翠螺踊橋作彩虹明午  
酌金丸摘晨炊玉粒杭江村好時節及我疾初平

病後自詠

狂豪埽去得衰殘數啜芳醪興亦闌閉戶交朋疎索盡  
捐書日月破除難盤除鮮食生蔬美衣聳吟肩束帶寬  
賴有一條差自慰高眠常到日三竿

十月九日

酒開甕面撲人香  
菊折霜餘滿把黃  
我是化工君信否  
放遲一月作重陽

三三孫十月九日生日翁翁為賦詩為壽

正遇重陽一月時  
龜堂驪喜抱孫枝  
棄襦已足驚關吏  
堆笏寧惟取世資  
落筆千年猶細事  
讀書萬卷要深期  
汝翁豪傑非今士  
不用擔簦更覓師

江路

江路最初程  
飄然兩屨輕  
少留雲際宿  
徐待月明行  
雁

起平沙影泉輕斷岸聲誰知游剡興不減上青城

初冬

落葉紛紛十月時今年霜比去年遲山猿引子飲幽澗  
枝鵲結巢爭墮枝嶺北片雲生峭絕橋東殘水漾淪漪  
病衰自怪詩情盡造物撩人乃爾奇

又

落葉窗前已作堆地爐微火撥殘灰夢中無祟敗蔬圃  
飯後有歌誇芋魁裊裊清茄催日晚蕭蕭新雁帶寒來

更寬十日可閒出會挈一壺尋早梅

夜坐

餅餌支遙夜薪蒸禦早寒卧聞風浩蕩起視斗闌干雞  
怯飛霜重鴉驚出月殘挑燈搔短髮顧影發吾歎

又

藥裏關心處篝燈照影時文書用遮眼棗栗可無饑素  
業存農圃頽齡迫耄期蓋棺萬事已唯負國恩私

殘菊

殘菊一枝香未殘  
夜窗拈起百回看  
過時只恐難相笑  
我是三朝舊史官

久病

卧疾閑三時冥冥不自持  
婢諳曾製藥犬識舊迎醫  
質貸交親厭呻吟里巷知  
有時推枕起清歡尚能奇

病小愈喜晴

雲邊采藥喜身輕  
燈下觀書覺眼明  
擾擾已空浮世事  
依依還作苦吟聲  
又為天地幾年客  
頓覺軒窗三日晴

深媿山童憐寂莫風爐傳法煮蕪菁

租稅

占星起飯犢待月出輸租遇嶮頻呼侶扶轅數戒奴畏  
饑懷餅餌愁雪備薪樗意象今誰識當年賦兩都

初寒

雨霽林猶滴泥新路易乾蕭條山步晚顚顚客衣單小  
女收魚筍童兒放鴨欄初寒豈不好衰病自無歡

呻吟

呻吟半歲掩柴扉性命惟存氣力微  
夙業豈能逃馬麥窮居賴是慣牛衣  
濁清且復分賢聖今昨誰能論是非  
一段光明君記取要知無念是真歸

山墅

煙水煙林老結廬人間用短更誰如  
輭蒲穩背供危坐小幟障燈便細書  
莫欺衰病歸山墅曾領諸儒上石渠  
貞觀開元嗟已遠為君試說紹興初

十月二十四日夜夢中送廬山道人歸山



平生不到三公府晚歲歸來五老菴  
夙士極知成殿後  
吾曹所賴作司南孤舟夜泊灘聲惡  
小瓮晨香雪意酣  
笑語牀隅拄杖子即今惟汝是同參

病後晨興食粥戲書

蝴蝶莊周安在哉  
達人聊借作嘲談  
不知此自隨緣住  
更把晨窗粥幾盃

贈僧

松間數語淡交成  
不喜將身世上行  
安得北窗風雪夜

地爐相對煮蕪菁

又

長明燈下三更雨旦過寮前萬里身  
正使未能超佛祖也應小勝市朝人

游山

一生萬里著行滕抖擻塵埃尚未能  
不怕語音時帶刺敢辭生計畧如僧  
疎梅漸動清溪曲霽雪遙看古塔層  
喚起故年清絕夢數聲柔艣下巴陵

又

蕭然破帽伴枯藤  
逢著青山不厭憎  
家似江淮歸業戶  
身如湖嶺罷參僧  
煨柴夜宿寒爐火  
洗鉢晨敲古澗冰  
果向此中能得趣  
宦途捷徑不須曾

又

九十衰翁心尚孩  
幅巾隨處一悠哉  
偶扶拄杖登山去  
却喚孤身過渡來  
酒市擁途觀鬼戲  
僧廬借榻寄吟臺  
吾生清絕煩君看  
不枉人間夢一回

農圃歌

我不如老農占地畝一鍾東作雖有時力耕在茲冬張  
燈觀夜織高枕聽晨舂時時喚鄰里旨蓄亦可供我不  
如老圃父子日相從一鉏萬事足不求定遠封春泥剪  
綠韭秋雨畦青菰放筍有餘味豈不烹噉嚼乃者半年  
病清鏡滿衰容塵生一鞵屐壁倚一枝筇惟有呻吟聲  
和合牀下蛩青燈照兀兀布衲聊自縫

贈拄杖

歷險橫空捷有神得來元自剡溪濱同為萬里江湖客  
共見三生風月身不怕雲中伴鳬舄只愁雨後長龍鱗  
何妨更悟無生理露柱燈籠一話新

贈猫

執鼠無功元不効一簞魚飯以時來看君終日常安卧  
何事紛紛去又回

宮詞

秋露蕭蕭洗秋月夢斷陳宮白銀闕臨春結綺底處所回

首已成狐兔穴

病中雜詠十首

各四韻第  
八首二韻

半年不讀書顧影疑非我乃知百年中如此過亦可書  
能作汝崇識字果非福明年倘未死樂哉駕黃犢

又

伐性無蛾眉腐腸無旨酒齋居亦得疾果無第一手才  
不如嵇康疎嬾則過之雖有絕交書不作幽憤詩

又

華陀囊書久已焚思邈玉函祕不聞從醫火攻固下策  
遣化飯香方普熏觸人正自坐愚直學道今當輸拙勤  
勿言將智耄已及後死或可與斯文

又

擊壤林間送此生欣欣東作到西成泥深宿麥苗初長  
葉落柔桑眼已生枹鼓無聲盜衰息文書簡出吏清平  
西游攜得蹲鴟種且共山家玉糝羹

又

身是人間一老樵城南煙水寄迢迢尋人偶到金家曉  
取米時經杜浦橋小市孤村雞喔喔斷山幽谷雨蕭蕭  
吾曹自養無能爾楚客應無隱可招

又

身似頭陀不出家杜陵歸老有桑麻茶煎小鼎初翻浪  
燈應寒窗自結花殘藥漸離愁境界亂書重理淡生涯  
等閒一事還超俗斷紙題詩字亂斜

又



天遠不可問將如此老何老驚詩思退貧乏藥錢多  
刻縣尋僧宿桐江買酒歌市橋新柳色又是一年過

又

半黃半綠柳滿城欲開未開梅有情放翁一病又百日  
回視新春如隔生

又

久病身猶困閒游性已成未停湯熨事即理水雲程投  
宿忘街陌論交失姓名醉憐花塢好恐是牡丹坪

又

自我居湖曲漁樵日往來只知年屢改不覺老相催小  
浦潮痕長長隄草色回逢春心自在莫道已成灰

雪

一夕山陰道直成白玉京衰殘失壯觀擁被聽窗聲

自笑

左車第二牙辭去

見韓文公詩

團坐無生話又新堪笑按摩

并洗沐未忘貪愛夢中身

臘月五日湯沐按摩幾半日  
是早左車第二牙脫去

絕句

山遮水隔重重堦  
雨練風柔處處花  
一病半年能不死  
又將此恨醉天涯

題藥囊

殘暑纔屬爾  
新春還及茲  
真當名百藥  
何止謁三醫  
半夜嗽朝日  
晨興飲上池  
金丹有門戶  
草木爾何知

末題

平日猶閒老更閒  
一毫世事豈相關  
孤雲不散來歸岫

細水無聲自出山支徑過僧纔百步小樓藏藥可三間  
客來不肯通名姓熟視吾廬為破顏

又

一身只付雞棲上萬卷真藏椰子中嘉定三年正月後  
不知幾度醉春風

病中示兒輩


去去生方遠冥冥死即休狂思攘鬼手危至服丹頭有  
劍知誰與無香可得留惟應勤學謹事事鑑恬侯

夢中行荷花萬頃中

天風無際路茫茫老作月王風露郎只把千尊為月俸  
為嫌銅臭雜花香

示兒

死去元知萬事空但悲不見九州同王師北定中原日  
家祭無忘告乃翁



劍南詩豪卷八十五

跋

先君太史晚自號曰放翁紹興辛巳間及事高宗皇帝累遷樞密院編修官孝宗皇帝嗣位之初召對便殿賜進士第時始置編類太上皇帝聖政所妙東時髦先君首預其選擢檢討官久之以忤貴倖自免去五爲州別駕西泝焚道樂其風土有終焉之志蜀之名卿巨儒皆傾心下之爭先挽留晁公子止侍郎欲捐其別墅以舍之先君諾焉而未之決也嘗爲子虞

等言蜀風俗厚古今類多名人苟居之後世子孫宜  
有興者宿留殆十載戊戌春正月孝宗念其久外趣  
召東下然心固未嘗一日忘蜀也其形於歌詩盖可  
考矣是以題其平生所爲詩卷曰劔南詩橐以見其  
志焉盖不獨謂蜀道所賦詩也後守新定門人請以  
鏤梓遂行於世其戊申己酉後詩先君自大蓬謝事  
歸山陰故廬命子虞編次爲四十卷復題其籤曰劔  
南詩續橐而親加校定朱黃塗攢手澤存焉自此至



捐館舍通前橐凡爲詩八十五卷子虞假守九江刊  
之郡志遂名曰劔南詩橐所以述先志也其佗禩文  
論著李弟子通亦已刊之漂陽會子虞上乞骸之請  
旦算且去故有所未暇初先君在新定時所編前橐  
於舊詩多所去取其所遺詩存者尚七卷念先君之  
遺之也意或有在且前橐行已久不敢復雜之卷首  
故別其名曰遺橐云嘉定十三年十二月既望男朝  
請大夫知江州軍州事借紫子虞謹識

